




8810



温州市图书馆

WENZHOU LIBRARY

01060



温州市图书馆

WENZHOU LIBRARY



温州市图书馆

WENZHOU LIBRARY

陳允文

允文瑞安人存詩一首曾唯云攷李介菴老人漫筆載此觀桑

詩為于忠肅公作而瑞邑志又以此為邑人陳允文詩姑存之

慈哀案瑞安志稱允文慕徐孺子陶靖節為人乃盡取陶詩和之今其詩俱不可得觀桑樹有感一絕邑志所有曾唯仍之

觀桑樹有感

一年一度伐枝柯萬木叢中苦最多為國為民甘寂寞却教桃李

聽笙歌

送陳少方赴南康

江邊亦有同庚友獨把漁竿寄隱淪
斷句見下陳輿時送陳允文詩小注

浙江省嘉興市圖書館



温州市图书馆

WENZHOU LIBRARY

高天錫

天錫字南軒瑞安人高明之祖見清穎一源集

古鏡

古鏡欲為何年深蘇暈欺無情當晦日有恨憶明時不見古人老
空看新月遲春風百花發遠擬照佳期

橘中四老

羽翼龍宮作漢賢翻隸木實化為仙坐觀方外三千界著破圓中
一尺天根蒂不牢驚小隱行藏難決笑華顛已圍寂寞今何在惟
見霜紅墮碧煙

書懷

年過半百恥為儒萬事隨流可暫娛蹈海已憐身世拙移山堪笑
子孫愚自驚江夢催還筆誰管齊門獨好竽愁我忽如天地窄蹇

驢無復問長途

落梅和韻

花拂清寒鬢影疏水邊香散鶴飛過枯枝一夜消殘雪滿地東風起白波金鼎淒涼心尚在玉堂凋落思應多冰姿已自無顏色鄰

笛吹春可奈何

以上見永嘉詩人祠堂叢刻本柔克齋集附錄

温州府圖書館

高彥

彥字梅莊瑞安人高明伯父見清穎一源集

諸葛廬

日月為扃龍卧雲南陽一室貯乾坤漢家風雨居深隱蜀國山河
定此門八陣雄圖期後主萬閒心事在中原可憐天下奇材老荒
草寒煙滿故園

曉起

富貴浮雲休問天學農生計老隸田寒披岸草霜黏杖曉繫河流
冰礙船江鳥忽飛孤樹日野人初飯數家烟世間名利空牢落豈
似山僧得晏眠

讀秦紀

發卒坑儒禁挾書不仁安有百年期求仙永自迷徐福遺詔如何

付李斯逐鹿群雄猶未起
泣蛇老嫗已先知
因思鬼壁興亡識
只在沙邱廢立時

閨中秋月

餘日還添白髮愁
愁隨清影上南樓
黃楊空厄人間歲
丹桂中圓天上秋
庾亮盃香先我醉
廣寒宮遠更誰游
浮雲四捲涼如水
夜半金波滿地流

送章鍊師

家貧猶不廢文章
留得奚奴佩錦囊
老去一身還是客
愁來兩鬢已成霜
紫金落火仙丹熟
白玉炊雲晚稻香
別後相思明月夜
碧簫聲斷楚天長

過舅氏墓下

渭陽夢斷憶春風
淚灑青天上翠峯
二十年来多少事
夕陽無語

對孤松

陰陰草木起悲風
杜宇春深哭亂峯
大老孤墳何處是
蓮花峯下

萬株松

觀芍藥花次韻

金鈴不響怪禽舞
轉眼羣英化寒土
留得維揚一種春
醉色無言


恨古(今)玉瓶何處歌
聲歇闌干泣灑西施血
枯榮如箭惱殺人橫

風急雨金腰折洛陽富
貴今如何荒烟細蔓爭
開花三十四品豈

無恙自愛書生空感歎

以上見永嘉詩人祠堂
叢刻本柔克齋禁附錄

浙江圖書館藏書



温州市图书馆

WENZHOU LIBRARY

高明

明字則誠至正乙酉進士官至福建行省都事著有柔克齋集

二十卷

瑞安嘉慶志明字則誠居崇儒里聰敏博學識春秋大義登至

正乙酉第授處州錄事有能聲時監郡馬僧家奴貪殘明委曲

調獲民賴以安去任民立碑青田劉基為文祀之辟江浙省撫

史改調浙東闡幕四明都事凡獄因無驗者悉訊遣之郡人為

神轉江南行省掾故忤擁貴除福建行省都事送經慶元方國

珍欲留置幕下不從即日解官旅寓鄞之樸社沈氏接因作琨

琨記明太祖聞其名召之以老疾辭所著有柔克齋集二十卷

趙訪嘗偁其子博而深才高而贍云

眉廣生柔克齋詩葦跋吾家當今盛時頗蓄聲伎歌者紫雲楊

浙江通志卷之七十五 賢媛 趙訪

音	詩	詩	曾	集	他	己	片	中	集	本	十	枝
下	凡	凡	氏	朱	書	無	視	陳	不	一	二	有
不	四	四	唯	氏	轉	傳	之	挺	可	處	三	盛
再	十	十	卓	彝	錄	本	多	詩	得	飛	即	名
注	九	九	瓠	尊	未	碩	不	注	得	雙	知	雖
出	首	首	詩	明	必	佳	相	謂	得	鳩	留	大
處	又	又	石	詩	見	君	續	遺	得	交	意	喜
也	詞	詞	釋	綜	原	元	後	集	得	花	詞	大
	一	一	佛	蔡	本	詩	因	已	得	輒	曲	壽
	首	首	彦	氏	也	送	兵	佚	得	慨	讀	演
	都	都	仙	廷	今	錄	火	其	得	然	靜	琴
	為	為	巖	玉	就	則	保	非	得	慕	志	記
	一	一	寺	東	碩	誠	失	祖	得	其	居	不
	卷	卷	志	瓠	氏	詩	之	方	得	為	詩	隻
	以	以	合	詩	元	一	云	塘	得	人	話	食
	備	備	之	集	詩	卷	云	於	得	未	言	標
	此	此	清	蔡	送	仍	則	高	得	永	則	賣
	邦	邦	源	氏	錢	題	以	家	得	嘉	誠	髮
	文	文	一	璞	氏	柔	集	得	得	求	填	諸
	獻	獻	源	東	謹	克	在	殘	得	則	詞	韻
	書	書	集	瓠	益	高	明	板	得	誠	至	也
	錄	錄	輯	詩	列	集	中	二	得	柔	標	故
	則	則	則	續	朝	疑	葉	十	得	克	和	吾
	誠	誠	誠	集	詩	以	時	餘	得	癢	未	

宿先公房曉起偶成

曉雨池上來微風動寒緣幽人睡初起開窻見修竹西山帶層雲
隱隱出林木境寂塵自空慮澹趣常足獨坐無晤言流泉下深谷

揚季常約至山中既而不果因以詩寄三首

仙人海上來駕言遊倉冥乃逢浮邱伯駐之紫霞城鳳凰不可招

梧桐何青青焉知碧山月期子待吹笙

天寒木葉下短景淒其清幽居有所思振衣臨黃庭仰觀冥鴻飛

竟與浮雲迎悵望不可見空山暮雨生

秋菊有餘色可以慰幽情豈無一樽酒泛此黃金英美人久不來

歲晏霜露零坐感芳草歇佳期悵未能

題蘭

美人在空谷娟娟抱幽芳長林自荆棘安能敝馨香借君水蒼玉

與我紉佩纒願結善人文歲晚無忘相

桶底圓歌

方壺圓嶠閩海東金銀樓閣靈芝宮三千水弱不可度雪浪自與
 銀河通甜波倒浸琪樹碧水崖壁斷珊瑚紅我昔馭氣行鴻濛從
 以瓊輿挾神功下尋麟洲踏瑤草大扣石室呼喬松釣竿忽引六
 鰲脚牽連巖巖搖崦巖洪濤簸蕩山欲碎老鶴飛去搏霜空九原
 丈人怪狡獪謫我塵世栖樊籠別來無書寄青鳥碧桃開落千春
 風公從何處貌此本尺木備盡雕鏤工湯盤孔鼎浪自古昆崙元
 圃能無同張顛鄭虔走祈岳再拜不敢窺神功恍然頓醒昔遊夢
 已覺思入寥天中琳姬玉女想不遠似聞雜佩飄玲瓏波濤若動
 雲欲起玉笙吹曲來青童手持竹葉招我去片颿直造三神峯

題支離叟

此乃卷之三 姜國符 庚子年 書

錢塘門裏支離叟短髮蕭疎色薰垢雪霜歲晚結輪囷風雨年深	增老醜挫箴治緋總無能欲與冥靈齊上壽天公怒此怪且嬾勅	遣靈官下搜取勾婁吉利忽飛來虎倒龍顛盡灰朽女蘿飄騰白	鶴去琥珀迸裂青羊走繁陰已逐謝仙車枯榦徒存韋偃手邇來	好事猶痛惜歎息形模無復有蓋知百年皆夢幻靜看萬變互紛	揉榮枯相尋無已時成壞有數原非偶南山誰信梓化牛昆侖俄	驚柳生肘朝菌何曾閱晦朔槭樸那知避薪爇全軀孰似樸杜樹	絮之百圍今在否人生根蒂不可牢况為草木計近久野客空歎	倚江枻老奴謾泣瑯琊柳寒烟落日西湖邊衰草荒廬園數畝不	見當時鐵門限春蚓秋蛇徒蚴蟻玄雲飛盡墨池空直寄亭前誰	酌酒
---------------------------	---------------------------	---------------------------	---------------------------	---------------------------	---------------------------	---------------------------	---------------------------	---------------------------	---------------------------	----

西湖葛嶺瑪瑙寺僧芳洲有古琴二一名石上枯一名蕤賓

錢為賦詩二首

葛仙嶺上瞿曇宮老僧雪眉覆雙瞳奇琴久蓄歛識古云是零陵
水邊石上之枯桐憶昔蛟龍宅其涘霹靂斬龍樹亦死道人作琴
傍水彈幾夜湘江泣帝子邇來居我瑪瑙坡聲價壓倒伽陀羅松
心羊體妙相得有耳不聽西湖歌松窗茶屋夢初醒別鶴淒淒怨
烟嶺隔水逋仙夜不取聽盡梅花山月影
師琴名以蕤賓鐵豈是七絲專一律古來聲律商與宮一百四十
四調終於一又聞古鐵能解音何況聖人所作之雅琴瑟琵琶纔聞
鐵自躍萬物豈不通琴心憶昔重華為民鼓拂拂薰風吹下土九
官佩玉和鏗鏘鳳凰乘儀百獸舞無情相感若有情蜀山欲破銅
先鳴從今却笑陶淵明胡為不取弦中聲禪關萬竹淨塵垢月出
西湖照窓牖此時請師為鼓一再行試聽遠有鐵聲否

題畫

秋山積雨清浮埃
曉日照耀金銀開
草堂陰深冷竹樹
石梁滑澗
欹莓苔千峯蒼翠淨
如拭白雲不放楓葉赤
何人艇子出清江水
落山高如赤壁
昨夜天寒霜露零
山人不隸猿鶴
驚孤松三逕依
舊在僮僕正
遜陶淵明

題畫龍

何人呪縮昆明水
一夜溪邊紅葉起
銀河捲上洞庭峯
橘樹寒烟
秋色裏恍如陵陽
審子明又疑句曲
茅初成淋漓元氣
無青冥馬
鬣搖動天瓢傾
乾坤萬里蘇
旱暵草木無言
生意悅隸來高
卧碧潭雲獨抱
神珠弄明月

題畫虎

秦宮紫玉忽變神
似來潯陽訪石人
黃公赤刀制不得
吼怒驚倒

浙江省立圖書館藏書

裴將軍固知兩脇橫乙骨莫令雙耳多生缺黃蘆風緊殺氣寒嘯
聲撼動秋山月山空月冷不可留人間苛政皆爾傳踟躕亦欲渡
河去劉昆宋均今有不

次韻酬高應文

曾向天涯釣六鼈引帆風緊隔銀濤江山有恨英雄老天地無情
露雨高七國游談厭犀首十年奔走歎狐毛爭如蓑笠秋江上自
繪鱸魚買濁醪

吳中會宋行之庫使時貢金北土

樓船曉泊蘇臺下官舍梅花暖欲開十里關河同客思一川風雨
送離杯黃金壓馬日邊去綠樹迎人天際來後夜思君望天北使
星應合近三台

同月彥明省作

搖落閨河萬木空，征途日暮感飄蓬。
天寒為客吳江上，夜雨讀書山寺中。
伯樂何時過冀北，揚雄謾是賦河東。
黃塵冉冉貂裘老，殊愧南鄰桑苧翁。

寄屠彥德并簡倪元鎮二首

水驛燈明漸掩扉，雨中何處暮山微。
蕭蕭落木征帆過，漠漠長江一雁踈。
歲晚仲宣猶在旅，年來伯玉自知非。
久拚華髮漆青鏡，未許淄塵上素衣。
故人今作祇陀客，想見天寒尚倚樓。
江海暮雲多舊友，關河夜雨有孤舟。
桓榮學業仍稽古，李廣才名未得侯。
何似雲林倪處士，焚香清坐澹忘憂。

積雨書懷

曉來深院生寒思，五月江城尚被衣。
新水池塘魚暗長，濕雲樓閣

燕低飛飄零王粲辭家久牢落潘郎感髮稀却笑炎威都洗盡夜
涼疎雨亂螢微

送徐方舟之岳陽

布帆高掛發吳歌巴陵到時秋思多涼風漸落君山木明月正滿
洞庭湖丈夫壯游有如此人生清事能幾何想見題詩搜景物夜
深風雨泣湘娥

丁酉二月二日訪仲仁仲遠仲剛賢昆季別後賦詩以謝

隱君家在越江邊烟雨江邨繞舜田玉樹郎君宜采服紫荆兄弟
正青年山雲曉閣讀書屋湖水春明載酒船何日重來伏龍下參
同契裏問神仙

石門山

艤舟懸碇入蒼扉滿地秋雲冷溼衣萬古石門扃不合半空瀑布

雪常飛猿收松子和烟落鶴伴琴童帶月踈獨有謝公詩句好至

今山色紀餘暉

題孟宗振惠麓小隱

宋振孟右之裔

汴水東邊楊柳花春風散入五侯家繁華一去江南遠閒汲山泉

自煮茶

題青山白雲圖

昨夜山中宿雨晴白雲綠樹最分明茅齋早起無他事去看谿南

新水生

和李別駕賞牡丹

絳羅密幄護風沙莫遣牛酥汚落花蝶夢不知春已莫鶴翎還似

暖生霞詩成金字懷仙客手印紅脂出內家獨羨沈香李供奉清

平一曲度韶華

浙江省立圖書館藏書

和趙承旨題岳王墓韻

莫向宗周一作中原歎黍離英雄生死係安危內廷不一作忽下班師詔

朔漠全跣大將旗父子一門廿仗節山河萬里竟分支孤臣猶有

埋身地二帝游魂更可悲

賦幽慵齋

閑門春草長荒庭積雨餘青苔無人掃永日謝軒車清風忽南來

吹墮几上書夢覺聞啼鳥雲山滿吾廬安得稽中散尊酒相與娛

昭君出塞圖

竟甯閼氏出塞城鞞婆聲斷淒龍庭邊雲竟與漢月隔野草空作

春風青漢庭公卿無遠舉却使嬌姿嫁夷虜豈知劉白與楊樊復

把丹青周人主當時國計不足論佳人失節尤可歎一從雕陶莫

舉立回首不念稽侯獮綱常紊亂迺至此千載玉顏猶可恥蛾眉

詩以省元美臣從車錄分書

儻不嫁單于滅火安知非此水良工妙畫不必觀勿因一女譏漢
元宮闈制馭苟失道肘腋變起非一端君不見玉環自被胡雛污
豈是丹青解相誤

題蕭翼賺蘭亭圖

客舟夜渡中冷水空山不見羲之鬼驪珠飛去龍亦驚月落空梁
僧獨起銀鉤繭紙歸長安蓬萊宮裏人爭看一朝風雨暗園寢玉
柙槌碎昭陵寒龍眠畫手元暉筆當時曾笑蕭郎失至今二子亦
何在久與蘭亭共蕪沒人生萬事空浮漚走舸複壁皆堪羞不如
煮茗卧禪榻笑看門外長江流

送朱子昭赴都

西陵潮落船初發念子辭家去覓官直欲持書上光範不妨賣藥
過邯鄲黃河雪消水亂走紫禁花濃春尚寒如此江山足行樂莫

將塵土汚儒冠

送蘇伯修參政之京兆尹任三首

日月垂光照海濱東南聲教

一作價

屬儒臣九天雨露金甌重萬里

山河玉燭新田堊年豐多

一作催

貢賦江湖秋靜息風塵此行宣室

須前席賸有嘉謨為上陳

上苑東風珂珮鳴宮鸞初轉隔花聲天清北口烟塵淨雲去西山

雨晴雪巖甸居民瞻奉使衣冠國子拜先生漢家張趙何須數待

看皋夔致太平

天上神仙白玉京烟花繚繞鳳皇城端門日上紅雲動太液春寒

綠水生封事曉當香案奏奎星恒奏接泰階明更看鼎鼐功成後

綠野堂深遂素情

采蓮曲送越中吳本中

蘇伯修送蘇伯修參政之京兆尹任三首

溫州不刊

越江芙蓉開若雲越中兒女紅襦新年年米蓮江浦口扁舟遙唱
江南春凝情倚棹送行客折得芙蓉贈行色南風吹作滿袖香令
人別後長相憶君心如花不污泥亭亭潔立當清漪花容不逐秋
風老知君交態無榮衰人生百年幾回別莫惜芳菲為君折芙蓉
落盡秋江空千里相思共明月

夏夜獨坐簡胡無逸二首

夜靜坐前軒明月方皎皎大火既西行涼風在木杪庭際促織鳴
涼露下芳草緬懷羈旅人重感歲時老安得躋空同一閭廣成道
夜久羣動息境寂無炎蒸涼風散浮雲惟見河漢明緬懷塵紛勞
喜際夜氣清安得舍所趨白日澹無營仰看斗柄移耿耿低玉繩
天運亦有常吾生何時寧

白紵篇送顧仲明

吳中二八深閨女生來不學唱金縷纖纖素手青燈前織得寒機
成白紵裁縫熨貼為君衣春天衣著生光輝明珠為璫璧為佩同
此素色無相違一朝送君江上別歲晚關河積風雪生知白紵不
勝寒但喜君身常皎潔君不見東隣少婦織錦工織作步障圍春
風春風一去花草歇金谷寒蛩怨秋月何如潔白長相守尊中有
酒為君壽人生溫飽不足多莫羨東家著綺羅

送張從善

四海張公子才華重縉紳蚤從樞府辟已踐屬車塵通籍聯清禁
嚴更列近臣周廬金帳曉嚴室玉墀春馬潼桐官酒熊膈少府珍
青冥多雨露黃道煥星辰往事疑皆夢浮名笑此身馮唐雖磊落
顏駟竟逡巡歲月黃塵老關河白髮新還家見江總舉事識陳遵
春水桃花鰕西風笠澤蓴扁舟五湖客陽羨一歸人我惜交游晚

相期意氣真冥鴻何杳杳斤鷄自跋跋斜日橫江路寒雲隔水濱
何時謀一壑卜築願相親

王節婦詩

清清慈谿水蘋藻被涯涘昔年修婦職采擷薦明祀殷勤執豆籩
齋肅事君子一朝雙鴛鴦別離隔生死死者無還期生者當同歸
奈何姑嫜老重以膝下兒升堂奉甘脆篝燈訓詩書庶以未亡人
慰彼泉下思谿水彼可竭妾身不改節谿水有停汙妾心但明潔
熒熒瑤臺鏡元髮今已雪孤鸞雖不舞寒影自澄澈谿水常流東
餘波總相從結髮為夫婦永別何由逢青山有元寂百歲須當同
願言合歡樹化作壠上松蔦蘿更纏綿相依無終窮

子素先生客夏蓋湖上欲往見而未能因賦詩用簡仲遠徵
君同發一笑

夏蓋山前湖水平
楊梅欲熟雨冥冥
吳門亂後逢梅福
遼海來時識管寧
野霧連村迷豹隱
江風吹浪送魚腥
伯陽舊有參同契
好共雲孫講易經

寄月彥明省郎二首

十五明星近紫宮
熏爐香裏珮玲瓏
省郎趨幕皆時彥
元帥臨邊
總戎黃閣風雲蓋
盛世蒼生霖雨望
群公當年禮樂三千字
今日須省及物功

處士祠

湖一作

邊梅已放遙知載酒到巖阿
西山煙靄連朝好南省

官曹暇日多詞客
錦箋題水調
佳人翠袖拂雲和
馬啼歸踏黃昏

月一路清香送玉珂

開元人物圖

憶昔開元有道時
官僚濟濟盛威儀
樓通華萼諸王過
仗入芙蓉

百辟隨回首漁陽急擊鼓傷心劍閣駐旌旗曲江廢苑重歸日舊
日宮奴鬢亦絲

過達天山別駕所居

暨陽別駕真清宮彈琴誦書民自安幽居恰一作近范蠡宅官舍

政俯西施灘水聲入林竹根冷山雲落九香爐寒有客打門求妙

墨家僮莫放硯池乾

題柯敬仲竹石

珊瑚樹倚碧琅玕曾入西清畫裡看今日五雲仙閣遠夢回烟雨

楚江寒

莫春即事

楊柳樓前白鼻駒金鞍被了喚名娃重簾深處無風雨肯信春寒

瘦杏苞

喜晴

刺桐花開山雨晴
綠樹上有黃鸝鳴
杖藜出門看山色
恰見小池

新水生

遊寶積寺

夏日如焚渴思煩
登臨極目覺心寬
半窗宿雨炎歊散
四面清風

枕簟寒逆旅
往來休樹下
織歌遠近徹
雲端幾回欲
挽銀河水好

與蒼生洗汗顏

題一青軒

南山氣冉冉
庭草翠粼粼
到眼無餘物
撫懷都是春
松濤流綠野

竹影掃紅塵
莫說市朝事
功名欲逼人

止齋即事


伏虎溪橋跡已陳
落花流水幾番春
當時邂逅成三笑
今日何由

見一人


春草軒

霍霍庭際草
皞皞陽春輝
淑氣播嘉澤
勾萌悉榮滋
元化雖無言
寸草心自知
嘗恐霜露零
春暉報無時
願言慈母綫
永託游子衣
衣線有零落
母恩無終期

築室在近郊
開軒面平岡
前營列賓友
中房鼓琴簧
綵服及春日
奉觴升華堂
醴酒既嘉粟
肴蔬亦芬芳
流景雖易邁
春暉豈能忘
竭此寸草心
以慰母顏康



浙江省立圖書館



温州市图书馆

WENZHOU LIBRARY


金建

建字長民自號林居士方國珍擢郡以叛延致不屈見瑞安志

碧林書院

遭吾道兮崑崙曾拂衽兮艱阻退獨處兮幽深窈冥冥兮曷覩羗
紛紛兮披猖人崢嶸兮旁午匪獨怨兮茲今慨寥寥兮千古佳
木兮華滋故人兮惠來思月皎皎兮獨照風瑟瑟兮輕吹進以飯
兮玉屑勸以酒兮金卮君少留兮我心怡勿輕去兮使我心悲

浙江省立嘉興省立圖書館



溫州市圖書館

WENZHOU LIBRARY

曹禎孫

禎孫字德堅瑞安人著有合溪文集見瑞安志藝文目錄

黃涪弟瑞安百詠曹德堅梅溪講學云晚年流寓到安陽同說

梅溪有講堂左國浸淫樹肆筆作文如立萬人場注引凌迪知

萬姓統譜禎孫字德堅瑞安人宋亡室廬燒於火芬寓平陽梅

溪以古文及詩自娛凡一篇出人輒傳誦後留安陽十餘年南

北生徒數百人自少工舉子業下筆罔肆諸老成咸器之世舅兩

科林雍誨以文法宜多採左氏及戰國語嘗自謂曰作文譬如立

萬人場中非畫然大驚而鳴人肯聽我乎

秋曉

開門驚落葉客思一蕭然尚有蘆花月沙鷗閒自眠

富覽亭晴雪

閱世榮枯事若何
孤燈獨對碧嵯峨
雪風吹落瓊瑤樹
一夜江南

白屋多

詩文卷之五 嘉慶後 東萊 分 卷 五 頁 會

溫州府圖書館

WENZHOU LIBRARY


曹可寶

可寶字明卿東甌詩存錄詩一首偁瑞安人今邑志無可攷

挽徐肖梅

聲名纔大不教閒二十年來出處難驛使漫將春信至梅花不耐朔風寒

浙江省嘉興省車鑄分書局藏書



温州市图书馆

WENZHOU LIBRARY

陳蒲澗


蒲澗名字無攷曾唯銘詩一首係瑞安人今瑞安志無其名

悼墓松

東甌詩存

兵事一何慘長松數亦窮幾年霜露下今日斧斤中
鶴唳故巢月鳥啼空谷風尚多遺事在愁我已成翁

浙江省天嘉原省車架六書法書畫展覽會



温州市图书馆

WENZHOU LIBRARY

陳文尹

文尹字端友號春塘一諱希日簡軒猶子著有集曰澤畔吟

謁會稽禹廟

手援天下仰神功穆穆深祠拜威容桑土春風不魚鱉梅梁夜雨

忽蛟龍三千歲老越山石四百年荒夏社松玉帛同方今寂寞浙

江惟見水朝宗禹廟以大梅木為梁張僧繇畫龍其上一夕風雨

乃以鐵索鎖於柱禹陵舊在廟旁今不知所在惟窆石尚存高丈許形如秤椎事見四明圖經及越志

天河

不用乘槎犯斗牛練光耿耿掛南樓中天一派積為水元氣三更

化作秋冷浸月痕分白道淡浮雲影接清流何當東注箕津上一

為人間洗濁愁

明皇游月宮

浙江通志卷之七十五

梨園歌罷問嫦娥
露濕銀橋步輦過
無極光中看殿閣
不勝寒處感山河
錦袍清惹天香近
玉笛愁吹秋思多
誰管當時興廢事
一輪千古自婆娑

梅影

水光清淺弄橫斜
綠鳳寒驚滿樹花
一夜西風吹不去
却隨明月上窗紗

百雁圖

朔月南雲萬里飛
蘆汀烟渚幾相依
網羅矰繳人間滿
來歲春風豈盡歸

送張龍澤之吳

湛江本里人
吳縣教授

兩袖花風拂曉烟
江頭歌發載詩船
三千水擊扶搖日
五十天開富貴年
松老驛香延月酒
荷新湖賸買春錢
重游吳楚豪華地
丹

閣朱樓佛塔前

李陵臺

累土番中恨不勝
築愁擾擾竟無能
欲瞻漢月知何處
更着胡雲
高幾層二十年來
憐獨立五千兵散
憶同登于今絕頂
飛風露雨
淚潛潛洒李陵

和少垣弟答省元韻


百年能得幾清閒
黑鬢梳風半欲斑
真象合居邱壑裡
夢魂不到市朝間
臨流野屋和雲住
隔岸春舟載雨還
鐵笛一聲天地寂
夜來仙子過前山

遊寶香山寺

勢壓金鼇江上峯
崔嵬推出寶蓮宮
斷崖拍浪痕千古
老樹經秋葉半空
玉盤韻清樓有月
金鈴聲斷塔無風
夕陽流水無窮事
只

付凭闌一笑中

浙江省元嘉園谷草集之書法書法學會



温州市图书馆

WENZHOU LIBRARY

陳得時

得時字少成號老吾瑞洲之仲子由郡庠貢士任常州無錫縣

教諭所著有穎西清嘯集

贈西樂居士

結屋峴雲邊清高興浩然不貪浮海利已辦買山錢慮淡家無事
心空佛有緣知君根果淨金篋紀長年

讀草堂詩

杜陵心造化忠氣激高秋洒血垂芳史憂天到白頭泰山雄萬象
大海會群流我亦懷勲業長吟獨倚樓

曉思

南樓卷書坐海曙渺天涯野色春千里晴光曉萬家人耕烟外草
鳥啄樹頭花記得夜中夢青天飛日華

露坐

露坐當中夜誰家夢正迷
行人在邊戍孤月到深墜
天迥斗橫北海寒風自西
庭前有高樹分借老烏棲

送章雲心

方外悠然意自閒清高無事伴商顏
天涯抱月鞭鸞去海上乘風
趁鶴還客久滿頭添白髮秋深孤影入青山
離情三弄梅花曲後
夜相思在夢間

陳可時

可時字少魯號懶吾瑞洲之三子也見清潁一源集

送裴十二山人

主人來已早花逐杜鵑飛萬事歸霜鬢十年猶布衣溪平流響瘦
春去緣陰肥何必桃源住南山歌采薇

挽劉蒲澗

送看丹旄憶斯文歌薤風悲徹海聞蟾窟桂寒燈照雨鶴田松老
劍埋雲玉魚夢冷泉無曉金虎愁深日易曛可恠清流十二節百
年之內不靈君

送弟少方北上

酒盡沙頭別雁行少年得志策飛黃天寒明月千山夜人倚西風
一劍霜芸葉挑隨行李重梅花折寄錦囊香憑君若到松江上莫

為鱸魚憶故鄉

浙江省立夏間行車全圖



溫州市圖書館

WENZHOU LIBRARY

陳與時

與時字少方號存吾端洲之四子任南康雜造局副使

詩見清源

秋夜會飲次楊牧韻

我愛秋風爽呼童掃前軒涼颺送落景華月臨清門來彼長者車

醉此賢人樽高談一何爽洗我心與魂平生抱區區且復與君言

渠書實吾友榮名非所尊游心外造化遺形寓乾坤君子在居易

何事苦馳奔

自京歸泛海過黑水洋

萬里空濛晝亦寒扁舟一粟在中間水高西北深無地天極東南

不見山白日忽看龍起去長風時送鶴飛還可憐千古波名黑難

染游人鬢髮斑

田園官况和韻

雲耕岩築起天家田野風霜今若何穀父秋祈征稅少花奴春聽
指揮多居分茅土鉏金印夢入槐官衣綠羅斜日半村無限好讀
書門卷馬嘶過

南康寄陳允文

同里人所著有靖安居士吟稿府志稱其賦性耿介不樂仕進鼓琴賦詩以自娛允文集有送陳少方赴南康詩二首有云江邊亦有同庚友獨把漁竿寄隱淪蓋與公年相若者

韻最篤

且學羊裘把釣竿此時誰復問儒冠爵留荒徑憐秦樹佩結芳洲
愛楚蘭月伴林琴秋色響年歸鏡髮曉絲寒故山花竹應無恙詩

寄沙鷗更問安

送高則誠赴舉兼簡梅莊兄
則誠名明同里人南軒先生之


第任浙東簡幕都事當自號萊根道人所著有柔克齋集行世

人生當作月中仙九萬風高鷲在天師友一門兄弟樂文章獨步

子孫賢我懷老退居江左爾愛飛騰近日邊此去鰲頭應早得翁
翁種德已多年

歌風臺

留城天近日月光遺臺老樹烟蒼茫秋風蕭颯雲飛揚憑高一望
思劉郎憶昔風雨民咨嗟爭先逐鹿寧思家羸顛項蹶了歸去駐
蹕里閉生光華沛宮張筵宴姻族慷慨酣歌自擊筑潛然洒淚對
諸母留此征翰作湯沐當時已自家八荒豈為游子悲故鄉中心
眷茲父母邦魂魄思沛終不忘歌風人去不再得秋風辭起茂陵
客不思猛士守四方惟愛佳人歡樂極英雄志尚殊不同千載之
下俱陳迹我行過此復悲感俛仰乾坤幾今昔東徐戲馬成坵墟
鄴郡凌霄長荆棘何如沛土高嵯峨至今樓閣輝丹碧人生貴在
不忘本名垂萬古誰能易



Vertical text on the right edge, likely a page or book number, written in small characters.

温州市图书馆

WENZHOU LIBRARY

陳識時

識時字少樞號民吾瑞洲之五子也自幼曉音律為文操筆立

就麴雁行中推白眉焉見清潁一源集

贈芝田王伯永

幾曲清溪玉作灣扁舟烟雨別仙山魚孤桃浪春風老鶴怨芝田

夜月間太乙書傳青史內少微星動碧雲間瓊林迥出風塵表不


羨虛名玉笋班

聽雨齋


蕭疎門外似瀟湘洒幕輕寒浥晚香深院梨花春易老空塔木葉

夜何長榻連方沼難成夢人倚虛窗剩得涼欲覓龜茲善音者共

聽風水作霓裳



浙江省立温州师范学校



温州市图书馆

WENZHOU LIBRARY

陳

昇

昇字士順號曉池懶吾之三子也任江西崇仁縣尉

見清源集中

和梅雪村二首

舊日清狂思若神而今顛顛卧江濱有方問藥期三世無分看花

病一春竟黃金誰與我探囊靈筆已還人可憐不辨泉珠字空

恨書生白髮新

悞人書劍莫閑情萬戶封誰笑酈生玉樹枝寒驚繞鵲雲山林密

愛遷鶯東風尚憶江頭醉落日空愁澤畔行祝缶有蛇應未死鄉

無存室與誰盟

登吳城山望湖亭

遙山數點細如粟晴湖無際搖平綠顚氣凝陰生夏寒澄晶上下

光相屬風約漁歌送日疎月冷神珠照龍宿黑雲一霎擊童童銀

浙上首水嘉慶教員部七年書畫賞卷頁會

濤擁立高如峯
須火捲去虛無
中天水容光淨
若空雨晴烟態
西復東一時萬
變看無窮樓船
水驛三日程我
來直上憑斯亭
下視千仞不見
底日極萬頃凌
滄溟精神飄飄
定始驚乃覺來
自空中行可憐
一身泛如梗感
歎未已幽興生
浩歌揮手弄南
斗頂髮颯颯摩
空明愛此躊躇
不能去薄宦驅
我西南行

送友人之杭

馳車將焉之
駕焉適武林
涼颼忽南來
微雨霑衣襟
傾我白玉觴
奏君綠綺琴
守此高古調
四海皆知音


日月

日月天之精
我生物之靈
日月有晴人
生安足憑鳳
翮拘羅網文
彩何所成
安知九臯鶴
一鳴作天聲


雪村隱居

此翁投隱向孤村
手種梅花數十根
伏火有丹猿候鼎
間雲無鎖鶴看門
桑移南海揮齊淚
竹老東風拜蜀魂
搗藻已知年少誤
黃

金曾亦病文園



浙江省天台县... (Vertical text on the right edge, likely bleed-through from the reverse side)



温州市图书馆

WENZHOU LIBRARY

陳岡

岡字士原號石池物吾之長子晚寓後溪別業又號溪堂居士

所著有溪堂稿見清穎一源集

後溪別業在平陽管

有客來松下呼童掃石根人家黃葉市烟火夕陽村移石更臨水

看山不掩門坐來忘夜久衣露濕秋痕

古威陽

威吞六國據峭函何必商君法令嚴西北築城空萬里豈知逐鹿

向東南

江心御愛松

古木當年亦賜名鐵枝曾借老龍登可憐南渡凋零日多少松楸

在廢陵

浙江省永嘉縣後溪陳氏宗祠

溫州府圖書館

WENZHOU LIBRARY

曉發桃花驛

出門天未白
殘月在西岑
官馬桃花驛
人家楓樹林
酒醒風力透

田家即事

夾岸疏籬壓水斜
數株松樹一人家
西風隼落拳驚雀
寒日牛歸

背聚鴉稚子隔隣來
送酒老翁迎客坐
呼茶相逢因說爲生苦
荒

土于今亦稅麻

陳觀寶

觀寶字士珍號鑑池民吾之子見清頴一源集

懷金徵士金建字長民號居林同邑人也

日盡扁舟一棹波文星終夜隔銀夏深南苑風聲早秋近西樓月

色多蝶抱舊情花入夢蟬添新恨柳調歌門前翠立雙峯直明日

看雲倚釣蓑

送周巢蓮赴三衢教官

且盡沙頭酒一樽去家休憶老萊歡定知立雪來多士莫厭行春

入冷官天地已開堯日月山林猶有漢衣冠青雲萬里應須到會

見乘風起鳳鸞

答劉公子

水外梅花花底村寒香千樹玉生春苔荒白屋思餽夢雲管青山

浙江... 卷之三

待主人世業有兒修蠹簡席門多客厭車塵相過問字佳年少來往無期愛爾頻

雁字

幾行書向夕陽邊寫出平沙印楚天為報西風莫吹斷筆耕應為

稻梁田

吳荃

荃字次修號隱游于東甌詩存福瑞安人今瑞安志無攷

洪炳文瑞志拾遺云邑志人物傳無吳荃執文詩類有荃洞庭

林望一首舍此以外烈女門有吳環妻林氏名廉姪九月而環

亡越月生子荃生一月而舅繼亡姑婦二孀相依為命族中利

其多賢欲奪其志廉挾姑與子逃往昆陽躬桑絲杼易教子浚

荃學亦有成材林年二十九卒又二年始胡氏亦卒學士宋濂

溫州府志卷之八

極萬里雙飛鴻

墨竹

倚杖看明月
停杯唱竹枝
美人期不至
對影立多時

采菱歌

采菱溪水濱
風吹藕絲裙
桂槳不敢掉
恐把鴛鴦分

寄遠謠

二十年前歎
別離襜褕愁
着嫁時衣
此身願變雙蝴蝶
夜夜從君

夢裡飛

夜泊

元詩選癸集

殘夜成舟泊
寒風靜棹謳
鷄鳴茅店曉
螢集稻田秋
出處渾無定
生涯不自謀
乾坤空浩蕩
還似一萍浮

浙江省立嘉興圖書館藏

溫州市圖書館

WENZHOU LIBRARY

李震孫

震孫字叔達號端義月泉翁子也舊居燬於兵火徙居仙源別

墅全集散佚惟存觀潮閣及臨終二詩見月泉詩派

觀潮閣詩收縣志

選勝何年劉翠成古今登眺幾詩評潮隨萬馬聲中去閣向六鰲

背上橫天接海門群岫遠雲飛渡口片帆輕郭熙筆力圖難足悵

我頻尋鷗鷺盟

臨終時年三十一


青山綠水本依然豈料蘆花暗失船有客殷勤來問壽為言顏子

又長年

千一八二三四五六七八九十

温州府志

浙江省永嘉縣圖書館分館



温州市图书馆

WENZHOU LIBRARY

陳禮端



禮端字士芳號濱池老吾之子也任浙江宣慰司都事

詩見清源

聞角

一江愁色動危闌悲角初鳴戍鼓殘吹落遠樓秋不盡響低晴漢
雨初乾客腸入夜和雲斷闌思隨風帶月寒莫逐去鴻驚萬里滿
林霜氣通天寬

浙江省立圖書館



温州市图书馆

WENZHOU LIBRARY

季應祁

應祁字君壽號恥菴別號園翁雲谷道人子也居蓮池從進士

^士高公則誠遊博覽羣經尤長於春秋易適元季屢薦不起

明武初^洪以經學被舉謁見太祖高皇帝引年力辭憐其衰朽釋

之使歸有詩曰鹿岩樵唱樊莊稿

瑞安嘉慶志應祈字均饒居鳴珂里少穎悟受春秋易於高明

既而沈潛於詞函諸儒全書深契天人性命之旨至於古今事

物寸衷百存靡不究極其津涯進士林者文筆皆折節事之元

末山寇騷擾避居貧山洪武中以明經若未幾告歸年八

十有三卒有自警詩云希嘖希聖吾儒事大道从来不遠人地

執風霆俱出教天垂符緯豈非仁無能畫虎翻成拙有技磨龍

未出神俯仰兩向無愧怍練衣簞食任長貧常誨人曰窮經以

致其用返躬以踐其實不如是讀書矣益所著有樊莊集

惜春

一省風雨送韶光
恁殺嬉游馬上郎
鳳島不來梧實老
滿園蝴蝶

菜花黃

乘鹿四皓

疾足爭秦鹿甘心附漢鴻
不緣赤松子誰識紫芝翁

五蔬圖

厨傳非儒事東園生意饒
吾非食肉相至樂在簞瓢

墨竹

帝子渺何許蒼梧雲氣寒
佳人翠袖薄日暮淚闌干

墨菊

臨池種佳菊香寒蝶不知
緇塵滿京洛恁殺傲霜枝

過七里灘

水接桐江去山從於越來
狂奴多故態又上釣魚臺

送陳州判任滿

西崑山前客循良舊所聞
五年來作倅一飯不忘君
豪氣吞湖海清風激水雲
長歌送鴻鶴離思轉紛紛

寄張雪翁

圖史山人宅煙霞野老家
不談王猛風靜閱子陽蛙
客去仍懸榻花開即命車
簞瓢尋樂處隨分是生涯

還過太湖望吳江縣

積水東南極三吳氣象雄
民居疑墮海山勢若浮空
孤塔擎天柱長橋偃月弓
試詢槎上客此意與誰同

別吳彥升

江頭放舟潮水平江上挂席秋風清烟濤洶洶送客去山月故故
隨人行青山隔夢不十里白雲作寒將五更何日一樽重邂逅
登石刺看雲生

又向離亭唱鷓鴣西風吹恨入平蕪青山淡淡日欲落長途迢迢
馬亦瘖丹楓水冷叫孤鴈黃竹雪深啼老鳥君今交義不交利如
此豈非真丈夫

郁上人咬菜軒

若雲上人住錦湖攻若食淡常自娛甲第梁肉非爾事陋巷飯蔬
真吾徒首肯朝冷齒頰活萍蘞夜滌詩腸枯青剝籃中倘拾得試
問老禪曾飽無

送屠譯史體踏民田歸

才大總堪公府選勞人王事那寧家官塘泥滑朝騎馬候館風清

夜聽蛙問字頻煩黃閣使裁詩時對紫垣花願言再著金臺步
搖蕩星河八月槎

初夏

濯濯門前楊柳枝涓涓出水芰荷衣烟消日出雨意足雲淡風輕
天影微孺子長歌濯足去故人多為折腰歸我豈人間食肉者春
風滿意首陽薇

自述

營營不作兔三窟默默但如龜六藏蕭颯鬢毛易成雪輪困肝膽
欲生芒讀書愧無致君術學易深知寡過方我等終當入山去收
羅風月恣清狂

春寒天氣忽晴寄天山老禪

三分韶景二分已寒氣於今數倍加五夜雪聲偏傍竹半春風信

不催花田家處處薪如桂
袖子時時酒當茶忽有歡聲破岑寂
一池新水鬧鳴蛙

最清軒為項訥叟題

超然闌檻俯滄洲絕勝淮南桂樹幽
萬頃波光初過雨半窓山氣欲生秋
梅邊月色如霜下竹外風颺似水流
我亦平生愛高潔飯蔬飲水老菟裘

自警

見府志

希賢希聖吾儒事大道從來不遠人
地載風霆俱是教天垂象緯豈非仁
無能畫虎翻成拙有技屠龍未是神
俯仰兩間無愧怍練衣簞食任長貧

家藏用東諸葛宗道畫壽字松

韋偃畫松妙天下不如後學浪得名
千年琥珀石上死五色芝英

澗邊生晴嵐浮翠雷雨濕強幹屈鐵蛟龍爭嘉樹堂前少塵事我
欲徂徠頂上行

西陵曉渡

城頭畫角棲烏起渡口殘潮沒芳渚南北行人候登舟露華濕鬢
如鉛水燭龍啣耀海底來朱暉倒射青霞開湖江誰家唱桃葉相
廬月落寒烟堆

子夜歌

玉樓迢迢接銀河樓中美人紅錦靴絳唇皓齒揚清歌如醉不醉
朱顏醜東方啞啞有啼烏香消燭滅將奈何

自適

閑居薄心賞幸此興不孤陌上數歸燕池邊看睡鳧青春去荏苒
白日坐蹉跎不作梁父吟聊為孺子歌寄語巢居者歲晏將奈何

舒嘯軒分韻得酌字

性齋游東山清興未可却詩壘多秦強酒兵何魯弱我輩豈小知
公等當大嚼栖栖杜少陵剪韭供春酌

墨梅

江南地暖風雪無百卉不競蒼龍孤陳君寫生作清供驪珠亂洒
清珊瑚花光健筆久不作補之村梅亦不惡西湖處士吟不邪桃
李東家怨麓俗

二馬圖

昔人畫馬稱權奇骨相神妙驚肉飛將軍無人弟子死誰解筆下
分妍媸我癡好馬復好畫此畫得之寶無價中流矯首一長鳴蹙
踏波濤遂神化絕憐沙際青驪驄探前跡後如將龍拳毛團雲不
盈握意氣綽有萬里雄自我得二馬冀北一洗空想當開元全盛

時四十萬匹俱下風君不見漢王開邊重宛馬贖武窮兵瘠華夏
又不見燕臺市駿致樂生七十齊城一朝下何如聖人歸之華山
陽朝周八百環珮鳴鏘鏘

淵明圖 東甌詩存

吾聞靖節翁不尚名與利山童酒一壺中有千右意畫工寫丹青
不寫酒中趣東籬有秋菊南山有佳氣長歌歸去來陶然北窓睡

鑑湖秋色

千秋觀前風日美綠樹籠寒隔烟水
葦羅仙子開寶奩露出青銅
三百里芙蓉落盡新妝面
露柳烟蕪結深怨珍重當時賀季真詩
思年來更清惋

寄朱彥明

我向鹿巖成小隱君從浦口駐蘭橈
華池水暖生金薤靈谷雲深

長玉苗江上懷人春載酒花間留客夜吹簫自慙世道渾無補雪鬢霜髯已半凋

薩秀實都事

虎座談經味豹韜十年聲譽藹青霄從容綠水紅蓮暮瀟灑春風碧玉簫江上望雲秋倚馬帳中乘月夜聞鵬誰家餘子工塗抹至寶天全不在雕

偶成

長洲宮苑月初曛越女盈盈玉雪新脂粉不施猶自好却憐多少效顰人

寄吳彥升

積雨連朝過客稀亂紅墮地綠陰肥江南祇是歸畊好水遠孤村燕子飛

李文潛

文潛號滄洲生瑞安人見東甌詩存及縣志

送友人之閩

閩中自古繁華地公子翩然動宦情
醉客枕柳潭勝酒喚人鸚鵡
自知名青榕雨過雲屯野丹荔風吹錦滿城
不用黃金買歡笑蠻歌女子最伶伶


周伯武漢溪西隱居

安陽郡人周處士疎籬矮屋住山陰
雨添江樹十分綠水漲沙溪
一尺深花漾銀瓶春酌酒香燒寶鴨
夜彈琴幽居料得清如許愧我江湖萬里心

溫州府圖書館

WENZHOU LIBRARY

浙江省嘉善縣新華書局



温州市图书馆

WENZHOU LIBRARY

卓敬

敬字惟恭洪武戊辰進士官至戶部侍郎著有文集五十卷

瑞安嘉慶志敬字惟恭潁悟過人讀書十行俱下登洪武戊辰

進士除戶部給事中鯁直無所避特制度未備諸王服擬太子

乘恂言陛下於諸王不早辨等威而使服飾與太子埒嫡庶相

亂尊卑無序何以令天下帝曰尔言出朕慮未及此益器重之

歷官戶部侍郎建文初敬密疏言燕王雄才大畧酷類高帝此

平形勝地金元所由興今宜從封南昌萬一有變亦易控制疏

入召問敬叩首曰臣所言天下至計願陛下察之帝默然燕王

即位敬被執責以建議從燕離間骨肉敬厲聲曰惜先帝不用

敬言耳帝怒猶憐其才命繫獄不忍殺姚廣孝故與有隙進曰

敬言誠見用上寧有今日遂斬之與二族

新正會水書卷之七

寶香山東
歐詩存

此室不知斗來大
此心不啻天樣寬
白雲忽起山在戶
紅日乍晴人倚欄
一聲兩聲花鳥好
千樹萬樹松風寒
詩成大笑出門去
長空浩蕩江水渾

梅雨潭

橫空峭壁瀉飛瀑
聲震淵霆搖地軸
綢緼氣濕浮太空
衝巖散作珠萬斛
源頭直與銀河通
半空簸落飛流淙
此境定知無炎熱
萬壑千巖灑晴雪

晚眺

浣花溪上雙楠木
老杜草堂生夏寒
門外青山三十六
讀書終日倚欄干

倚欄干

墨菊

我向元都逢羽士
自言種菊不多根
灌園只汲臨池水
歲歲花開

帶墨痕

墨竹

洞庭木落水生波
斜月虛窓露氣多
虞帝不餓秋色晚
滿江烟雨

泣湘娥

紅梅

誰教姑射飲流霞
爛醉西湖處士家
幾度春風吹不醒
至今顏色

似桃花

梅影

華光淡墨鵝溪絹
不似天公巧絕奇
碧水晴沙風定後
空山茅屋

月明時

栽梅

浙江省立圖書館藏

風流東閣題詩客
瀟灑西湖處士家
雪冷江深無夢到
自鋤明月

種梅花

山水

長松雨過秋陰滿
日日攜琴自往回
安得扁舟乘晚興
載將山色

過江來

元旦送鮑原善還朝

縣志

長樂鳴鐘曙色開
履端輯瑞遠臣來
金門乍闢祥雲合
玉佩初臨

旭日催瑤曆
新看頌正朔
景星早已見
中台鈞天更聽昇
平曲湛

露承恩萬壽杯

題陳叔起畫

野徑通禪刹
溪流沒釣磯
小舟衝浪出
幽鳥背人飛
遠樹浮蒼靄

空山淡落暉
竹廬吾所愛
真與世相違

西施菊

返魂香幻作秋叢來伴東籬靖節翁粧濕有痕凝曉露酒酣無力
倚西風恃妍曾得夫差寵雪恥先來范蠡功千古館娃遺恨在清
吟難與洗妖紅

二月梅


每日尋芳盡醉醜溪陰沙岸忽橫枝暗香浮動梨花月春色平分

正此時

客至

客至烹茶費屢呼提壺貫酒遶村無同煇麥飯無難色氣概知非
淺丈夫

浙江省圖書館藏書



温州市图书馆

WENZHOU LIBRARY

楊景衡

景衡號三山道人洪武庚午舉人官至福建左參政著有在朝

稿及紫薇清暇致事清歡歸田樂事諸集

黃淮介庵集楊公墓誌銘宋大儒龜山先生宗緒凋瘵僅遺一

息派於浮屠公憫之勉令蓄髮加以衣冠聘良家女配之俾承

祀事公臨事詳審周密八郡無不感悅法事之日上臨軒慰諭

日福建民庶望汝之來如飢渴之於飲食汝亟往毋怠公有乞

骸之請相知若賦詩為贈少師楊公有云武英學士清無恙鶴

髦雲中日來往太史行將望聚星堂在斗城華蓋上慈哀案黃

百詠揚景衡云閩人渴望使君遠江月談禪老乞間始信東灣

道澤遠浮屠一息續龜山注引黃淮揚公墓誌銘又云諱南

字景衡以字行五世祖龍桂宋紹興請浙漕解瀋熙中兄宗旦

赴溫州瑞安知縣事與之偕行因得執經止痾陳先生之約

富卜攝紳尊之曰東灣先生

竹林深處圖為劉中舍題
東甌詩存

鷓鴣啼歇山雨晴
湘筠翠滴寒烟平
萬玉蕭蕭風在戶
露香墮地

春冥冥月明如霜
夜方瓊漏無聲
酒初醒林深不禁秋
思多丹鳳

疎來碧雲冷

遊仙巖寺

飛瀑豈堯下九天
曇花香度碧巖前
溪山勝賞金園剎
湖海歸慚

雪滿顛繞徑松風
秋倚杖一庭江月
夜談禪何時了却
人間事來

共山中聽雨眠
一作南閩秋滿歸來
擬向山意聽雨眠

題壽松堂

南極老人昔降精
山中種作徂徠青
冰霜不摧屈強氣
鍊石獨賦

支離形年深黃肪
變琥珀地暖白石
生茯苓晝長日靜
坐其下凝

神內景觀黃庭

浙江省立嘉興圖書館藏

輓鮑原善
鮑氏家譜

一官致事聖恩覃白髮相親興正酣
生死浮休公早悟交游零落
我何堪清宵見月疑顏色良會啣盃憶笑談
粗可慰情埋玉處佳
城松柏綠蓀蓀

拜卓忠毅祠

綱常千古重君親臨難憑誰屈此身純
孝有靈扶虎背忠言無忌
逆龍鱗闔門死義歸冥漠一女生還嫁比鄰
壯志未酬豪氣在空
隨明月度城闌

沈氏卷之五 嘉慶御覽 卷之五 沈氏卷之五

季德綏

德綏字武抑號蘭坡 恥庵子也 有蘭坡初稿三卷續稿五卷

瑞安嘉慶志德基字武抑號蘭坡應祁子少穎悟稍長能詩文

洪武初以筆札端謹應薦母老乞歸郡守何文淵嘗敬禮之及

何入為侍郎嘗語人曰吾守溫得瑞安隱君子如季先生德基

虞先生原璫吾每造其廬商榷政事之餘或出粟飯魚羹米嘗

不飽其見重也如此所著有竹所集

宋慈哀叢齋詩話吾邑言詩多家學季氏之月泉詩派陳氏之

清穎臺源集皆一門自為師友倡予和汝繫然如珠之貫而季

蘭坡尤以清遠著名蘭坡同時有倪寅字子賓居邑城西南隅

沈家巷恬靜灑敏教授子弟以吟詠自樂人僞濬庵先生虞璫

庵原璫嘗贈以詩云崑山佳氣蔚葱如中有山人負郭居烟草

一區揚子宅牙籤萬軸藪侯書新詩白壁連城重老眼元雲落
虛^紙百事如君真可羨未經遠許伴畊奮著有觀光集

松鶴

元裳縞服出蓬萊城郭人烟半草萊夜靜空山松露冷長鳴知是

憶瑤臺

偶成

一字強行心上怒六爻常玩卦中謙前程多少崎嶇路信步冥行

不用占

鶴

縞衣元裳清且真獸立自愛超風塵足履雲濤玉柯潤頂摩日月

金丹純年深依然見城郭夜半適爾迴車輪雪鬢嗟余老櫜散馳

書無望過嶙峋

浙江通志卷之...

古木竹石圖

天河昔年墜長星
踈篁古木交柯生
翠毛豔穆鳳凰尾
白骨屈曲

蛟龍形和州琅玕
世希有營邱翰墨
誰敢憎問君何從
得此本晴

虹夜夜秋空橫

莘田張平益家醉書

不到莘田已十年
山光水色故依然
杜陵老大懶出戶
晏子交遊

久更虔雲淡未生
梅子雨風晴偏稱
杏花天樓中雞黍
張元伯絕

勝王獸雪後船

送澹菴倪子賓

咳唾風生玉樹秋
讀書原不為窮愁
幾年王屋居溫造
一日新豐

得馬周賦頌繁華
京國地詩懷浩蕩
大江流鄉邦朝署
如相問為

說衰翁雪滿頭

清江先生書畫後集卷之六

溫州不遠

王御史竹雪山房

清白聲名寓草堂
歲寒心事遠相望
萬竿高並烏臺柏
三尺寒於白簡霜
山嶽動搖風節勁
乾坤肅淨月華光
年來賸有平安報
佇看豐登兆萬方

送劉縣丞以病去官

淡泊春光比宦情
賢勞邑事負崔丞
三年未了維摩病
五夜誰分太乙燈
別後桃花渾爛熳
瘦來鶴骨自崢嶸
蒼生尚有為霖望
莫把丹心一寸冰

送徐元歲貢

文彩久為時弁冕
飛騰况復際昇平
長材歲月新培養
健翮雲霄更老成
入對晚聽高閣漏
分題春賦上林鶯
成賢街上人如海
三策佳謨有董生

予行年至宣德戊申齒已落數四矣是年又落一齒因虞邵

庵賦一律用其末一韻

齟歲駢方若貝羅暮年旋似葉辭柯更生安得靈丹妙剛折非關

嚼字多不作篲中離被楚何曾機上女投梭平生應物惟謙恕不

待攢眉報切磨

敗荷鵲鷁

江南十月霜露繁溝渠水涸原草乾鵲鷁飛來兩相顧敗荷一葉

西風寒君不見天寶年間五王宴長袞大被情眷戀芙蓉露冷太

液池楊柳風薰麟德殿

溪園尚書蔡文懿公歸田之舊號也厥源斯濬厥木維喬因

作是詩為將來之勸焉

維溪有魚洋洋圍圍其魚維何金鱗頰尾維園有木其葉沃若

沃若維何事我蠶作金鱗頰尾一躍龍門霖我早曠旋乾濡坤

事我蠶作五采其絲以紬以繹上補衮衣頰尾頰尾亦既勞

只返我舊溪以友魴鮒溪傍有木亦既林林遠揚沃若溪蔭其

陰溪蔭其陰溪魚斯樂孫子涵淹職職其角其角職職快奮

春雷以濡彼溪水以澤我九垓九垓期爾澤須濬彼源須培彼

根以蔭我園毋過彼源不足以沾毋戕彼根不得以成陰職

職孫子沾濡溪水維園為防維溪之美

送潘檢討致仕授本郡學教授東甌詩存縣志



鶴髮詞臣出禁林九重重沐聖恩深校書天祿成塵夢振鐸鄉邦

稱老心尊菜秋風一壺酒杏花春雨半床琴從今晚翠軒東月夜

夜清光伴醉吟

卷之七 送潘檢討致仕授本郡學教授

浙江省嘉興圖書館藏



温州市图书馆

WENZHOU LIBRARY

4

楊 昕

昕字霽(元景衡從子由國子上舍中正統辛酉舉人官上海令



和鮑養初山居鮑氏家譜

長年宦轍走東西雲樹迢迢入望低千里故人違笑語幾回清夢

遶山蹊不聞白雁傳書至漫聽黃鸝喚友啼故里暫疎情未展尚

容艤棹訪巖棲

浙江省立嘉興師範學校圖書館



温州市图书馆

WENZHOU LIBRARY

李德珍

德珍字正中號竹菴德璣弟存詩二首東甌詩存



春日偶成

溪上晴添紫笋芽
溪頭水漲白漚沙
遊魚吹浪欺新荇
飛燕迎風受落花
青眼故人勞下榻
黑頭稚子喜還家
臨岐為祝重來興
莫遣樵夫伐釣槎

墓春即事

鹽車誰礙困驂騑
小立東風憶舊遊
老似伏波還控節
美如曲逆不封侯
綠楊門巷連朝雨
小麥田塍四月秋
景物未窮登覽興
笛聲忽起釣魚舟

溫州圖書館藏書



溫州圖書館

WENZHOU LIBRARY

鮑常

常字原善瑞安人洪武中任襄陽太守請難之變抗命論戍志


林下吟鮑氏家譜

作郡跡來六十霜懶隨世能事炎涼一尊醕酌青山暮三徑逍遙

白日長疏傅高風希步武于公盛德見羹牆都門舊好如相問滿

目雲山自主張

浙江圖書館藏書區從前錄分書目



温州市图书馆

WENZHOU LIBRARY

李德琦

德琦字正中號竹所居仙源蘭坡弟也有竹所集一卷見月泉詩派

回輶石門嶺憇田家

樺子採樵歌竹枝老翁出曝對晨曦搗衣一片磯頭石知是誰家

神道碑

東借宋元遺稿

故宋文惟善前元張蛻庵聲名連薊北忠節冠江南舊帙公曾有

遺詩我未諳興來欲騰本投架借牙籤

秋興

攜書新卜華峯隈屋上林巒翠作堆無主野花開窈窕避人飛鳥

上崔嵬嶺根白石清堪坐巖際白雲呼欲來亦有故園歸未得籬

東黃菊倩誰栽

暮春寓清賦堂

溪上清流沒淺沙
溪頭古木帶烟霞
不惟白社留陶令
為愛青山

近謝家石鼎嫩茶經
穀雨瓦尊新酒釀
松花東陵自是忘
機者擬

卜墻陰學種瓜

葵邱贈友

慨爾功名眼底花
琴書歸去樂生涯
依依松竹新開徑
濟濟門楣

古建牙一水抵城三十里
兩峯環市半千家
自憐南海癡王翰
歆

卜比隣老歲華

仲秋晦日方山記行

深谷透迤木榻寒
天南天北幾憂端
結交那得周公瑾
避世何如

管幼安崑水雁聲秋正好
芝田山色雨初乾
自憐不是長貧相
手

拂青銅仔細看

清賦堂元景區得車錄分卷通書卷之四

溫州府志

初冬贈友

世事于今舉眼新
交情只任古人真
宣尼不取微生直
鮑叔深知仲父貧
一棹興乘溪上雪
數枝吟寄隴頭春
生平同志還同傳
好

學溫公與景仁

葵邱感寓

木落天清悲暮秋
故鄉何處海東頭
翻雲覆雨真如夢
刺水遠山總是愁
攘袂幾時能雪恥
枕戈中夜不忘讐
茂弘慷慨新亭語
未

許愀然學楚囚

次林原拱韻

先生拂袖山中去
長記春風話別時
斗酒談論天下事
一燈騰錄古人詩
竹林筍出龍穿角
松頂巢空鶴引雛
料得眠雲今正穩
華


峯石室笑希夷

望君	欵化	浦淑		祿孤	負少	玉樹		賦清	怎折	桂子
王早	虹十	蘆花	秋郊	兒更	年宣	悲風	哭從	吟當	腰鴻	吹香
放驄	里登	伴釣	閑望	更可	室昔	忽慘	孫原	解嘲	雁祇	落酒
葵川	臨天	翁誰		憐	曾期	然文	平秀		緣天	瓢西
春興	共遠	家砧			賈誼	星一			暖集	風重
	萬年	杵柏			孔門	夕慧			松筠	隱小
	開濟	林中西			今見	光纏			不為	山招
	道相	風薄			兒哭	誰知			歲寒	千金
	同華	冷初			顏淵	天闕			凋老	買駿
	陽芳	疎燕			傷心	長夜			夫恐	誰求
	草無	朝雨			燕子	自恨			悞疎	骨五
	家碧	將收			樓前	科名			歟約	斗為
	長				路襠				特	官


白茅屋子只三間却在清溪碧水灣
居遠市朝無外慕交親樵牧
有餘閒自家意思寔前草晚景儀型雲外山
梅雨乍晴農事了一
編燈火夜闌珊

漫興

龍鱗鳳翼有時扳鳥道羊腸幾許艱
掛劍獨行都是膽敝裘歸去
有顏何西風雁影秋連塞中夜猿聲月滿山
萬里乾坤壯心在功
名寧待鬢毛斑



文匯館車券之...



温州市图书馆

WENZHOU LIBRARY

季廷珪

廷珪字景温號栗然蘭坡翁子居蓮池遊邑庠卒年三十九詩

文有怡雲小隱集

次揚少傅韻送孫主事之浙右

天上冰清鬢未霜光膺使節下吳航長才自是達真主奉命元非

憶故鄉薦剡已勤黃閣老司輿曾從羽林郎陽和曾抱神如玉寫

入春風得自將


斤
三
五
致
章
卷
三
六

季 侑

侑字朝列號敬齋栗然姪也居東臯遊邑庠屢困場屋成化辛卯卒於杭年四十二稿亦隨夫惟存九龍灘廟一詩得之從光毅庵朝銳口傳者也月泉詩派云

九龍灘廟

九龍灘廟聳奇峯勝地元來出號翁萬古威靈昭下土千秋廟食肅高風杳無沴氣侵仙界時有祥雲覆古桐昨夜試從舟上望神光直射斗牛中



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

0214